



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda Ecclesiae Paderbornensis**

**Dietrich <Paderborn, Bischof>**

**Paderbornae, 1602**

Ordo introducendi mulierem in Ecclesiam post partum.

**urn:nbn:de:gbv:23-drucke/s-483a-2f-helmst3**

**ORDO INTRODUCENDI MULIEREM IN ECCLESIAM post partum.**

**D**E hoc ritu ( quem Christiana gratitudo requirit ) seruanda est constitutio synodi prouincialis Mechliniensis; quæ inhærendo rescriptis Gregorij I. ad Augustinum Anglorum Episcopum, & Innocentij 3. definiuit in hunc modum. Quia superioris temporis negligentia, probatissimus ille Christianæ Ecclesiæ mos, quibusdâ in locis est collapsus, quo puerperæ certo post partum die, referre Domino Deo gratias solent; Statuit sancta Synodus, vt vbiq; conformiter in vsum reuocetur, ac puerperæ ad Missæ sacrificium veniant, & contra negligentes, ceu piæ consuetudinis violatores, procedatur.

Quando mulier post partum expleto certo dierum numero, ad Ecclesiam, vt moris est, Purificanda accedit: Sacerdos indutus superpelliceo & stola, adiens ostium templi mulierem candelam accensam habentem in manu dextra, aspergat aqua benedicta, dicens:

**A**spergat te Deus rore gratiæ suæ in vitam æternam **Resp- Amen.**

Deinde porrecta stola ex collo dependente manui eius, inducat eam, dicens:

**D**ominus custodiat introitum tuum & exitum tuum, ex hoc nunc & vsq; in sæculum.

Deinde

Deinde Sacerdos mulierem deducens ad altare, ibi  
super eam, genua coram altari flectentem, sic  
orabit: Psalmum 120.

**L**euauit oculos meos in montes:  
**V**nde veniet auxilium mihi.  
**A**uxilium meum à Domino:  
**Q**ui fecit caelum & terram.  
**N**on det in commotionem pedem tuum:  
**N**eq; dormitet qui custodit te.  
**E**cce non dormitabit:  
**N**eq; dormiet qui custodit ISRAEL.  
**D**ominus custodiet te, Dominus protectio tua:  
**S**uper manum dexteram tuam.  
**P**er diem Sol non vret te:  
**N**eq; Luna per noctem.  
**D**ominus custodit te ab omni malo.  
**C**ustodiat animam tuam Dominus.  
**D**ominus custodiat introitum tuum & exitum  
tuum:  
**E**x hoc nunc & vsq; in saeculum.  
**G**loria Patri, &c.  
**S**icut erat, &c.  
**K**Yrie eleison, **C**hriste eleison,  
**K**yerie eleison.  
**P**ater noster.  
**Verf.** Et ne nos inducas in tentationem.  
**Resp.** Sed libera nos à malo.

Deinde

Deinde Parochus ad mulierem conuersus  
dicat :

Verf. Saluam fac ancillam tuam Domine.

Resp. Deus meus sperantem in te.

Verf. Mitte ei Domine auxilium de sancto.

Resp. Et de Sion tuere eam.

Verf. Nihil proficiat inimicus in ea.

Resp. Et filius iniquitatis non apponat nocere ei.

Verf. Esto illi Domine turris fortitudinis.

Resp. A facie inimici.

Verf. Domine exaudi orationem meam.

Resp. Et clamor meus ad te veniat.

Verf. Dominus vobiscum.

Resp. Et cum Spiritu tuo.

OREMVS.

**O**Mnipotens sempiternus Deus, Pater Domini nostri Iesu Christe: benedicere **✠** digneris hanc famulam, quæ ad imitationem sanctissimæ virginis Mariæ sese cum gratiarum actione, purificandam in templo exhibet: & concede propitius, vt, sicut ei prolis fecunditatem, & vires templum tuum ingrediendi contulisti: ita per intercessionem eiusdem immaculatæ Virginis, ab omni mentis & corporis contagio liberatam, ad sancta sanctorum pura facias mente accedere,

& post

& post finem presentis vite, templum celeste introire. Per eundem Christum Dominum nostrum, Amen.

*Postea dicat:*

**Verf.** Benedicamus Domino.

**Resp.** Deo gratias.

**Benedictio Dei Patris, ✠ & Filij, ✠ & Spiritus sancti, ✠** descendat super te & maneat semper. **Resp.** Amen.

Sacerdos si sit celebraturus missam pro ea, tunc induitur sacerdotalibus indumentis, & celebrat missam occurrentis diei, vel aliam votuam, iuxta deuotionem mulieris: aptissime autem huic laudis officio congruit missa in Purificatione B. Mariæ, quæ incipit Suscepimus. Quæ si legatur, omittetur in collecta, Hodierne die, quæ finita, dimittetur mulier cum benedictione Domini in pace. Quod si ad celebrandam missam neq; Pastor neq; alius sacerdos haberi possit, tunc Parochus post iam dictam collectam addet Euangelium.

**In principio erat verbum.** aut potius, Postquam impleti. **Et dicet, Dominus vobiscum.**

**Resp.** Et cum Spiritu tuo. **Verf.** Sequentia sancti Euangelij secundum Lucam. **Resp.**

**Gloria tibi Domine.**

**I**N illo tempore: Postquam impleti sunt dies purgationis Mariæ, secundum legem Moyse, tulerunt Iesum in Hierusalem, ut sisterent eum Domino, sicut scriptum est in

lege

lege Domini: Quia omne masculinū adape-  
riens vuluam, sanctum Domino vocabitur.  
Et vt darent hostiam (secundū quod dictū  
est in lege Domini) parturturum, aut duos  
pulos columbarum.

*Resp.* Laustibi Christe.

*Verf.* Post partum virgo inuiolata perman-  
sisti.

*Resp.* Dei genitrix intercede pro nobis.

O R E M V S.

**D**Eus qui hanc famulam tuam de pariendi  
periculo liberaſti, & eam in seruitio tuo de-  
uotam fecisti, concede vt temporali cursu fi-  
deliter peracto, sub alis misericordiae tuae vi-  
tam quietam & perpetuam consequatur. Per  
Christum Dominum nostrum, Amen.

*Vel.*

**D**Eus qui corda fidelium sancti Spiritus il-  
lustratione docuisti: da nobis in eodem spi-  
ritu recta sapere, & de eius semper consola-  
tione gaudere.

*Item.*

**D**Eus qui salutis aeternae Beatae Mariae virgi-  
nitate fecunda, humano generi praemia pra-  
stitisti, tribue quaesumus, vt ipsam pro no-  
bis intercede sentiamus; per qua meruimus

**T**

aucto-

auctorem vitæ suscipere Dominū nostrum  
Iesum Christum filium tuum.

Deinde sacerdos præbet ei ex osculandam crucem  
libri Sacramentalis, dicendo:

**Vers.** Dominus det tibi suam pacem.

**Resp.** Et vitam æternam.

Si contigerit mulierem aduersa valetudine certo tēpore à Purificatione impediri, differatur purificatio donec utcunq; restituta, in Ecclesiam ingredi possit, etiamsi mortis immineat periculum: quia Purificatio extra Ecclesiam faciendā non est, neq; substituenda alia mulier purificanda in locum defunctæ puerperæ.

Missam siccam (vt vocant) neq; ad purificandam mulierem neq; ad celebrandum coniugium, aut ad vllum alium vsum celebrari permittimus.

✠

